

11 MAY 2002

DR MAHATHIR HADIRI SAMBUTAN ULANGTAHUN KE-56 UMNO

SHAH ALAM, 11 Mei (Bernama) -- Perdana Menteri Datuk Seri Dr Mahathir Mohamad hari ini menyertai ribuan anggota Umno pada perhimpunan sempena ulang tahun ke-56 Umno di Stadium Malawati di sini.

Dr Mahathir, yang juga Presiden Umno, tiba pada pukul 10.15 pagi tadi.

Timbalan Perdana Menteri Datuk Seri Abdullah Ahmad Badawi, tiga orang naib presiden Datuk Seri Najib Tun Razak, Tan Sri Muhyiddin Yassin dan Tan Sri Muhammad Mohd Taib, setiausaha agung Tan Sri Khalil Yaakob dan Menteri Besar Datuk Seri Dr Mohamad Khir Toyo turut menghadiri majlis itu.

Upacara bermula dengan nyanyian beramai-ramai lagu kebangsaan "Negara Ku" diikuti dengan upacara menaikkan bendera Umno.

Ia diteruskan dengan nyanyian koir oleh kumpulan koir Puteri Umno serta bacaan oleh wakil Pemuda Umno.

Perhimpunan anjuran Umno Selangor itu dihadiri oleh anggota-anggota Umno dari seluruh negara.

-- BERNAMA

RIZ DC MOZ